

# Säämi párnái kulttuurkuávdáá toimâjodetteijee ravvuuh juoigâmpääji/muusikpuudâ toollâm várás

1. Puohah čokkájehe riggeest. Juávkku lávlu *njuámmilpeerâ-lavluu* (Eečinjuámmil oro taa...)
2. Roopâ liegâdállâm: juávkku čuážžul, mon maŋa kalga njoommâđ ááimu siisâ já te possodđ olgos -> oolgij jurâtemm já toi pajedállâm
3. Jienâ liegâdállâm: vistig jienâduvvojehe kuhes njuolgâ jienâh vokajlijgijn aa, ee já ii. -> čuávuvâžžân kalgâ vokaalijgijn toohâđ jienâmuuhijd (pajas, vuálus, ollâ já vyeligâs jienah) -> ii-vookaal jienâdem tegu čuoškâ & ee-vookaal jienâdem nuuvt ete siämmást tuášku rade.
4. Juávkku uázžu ritmâmoonijd já njuámmilnukke piäjoo lâttei čokkáđ -> *njuámmiljuáigus*, moos čuojâttuvvoo taavtâ ritmâmonijgijn -> riemnjinukke puátá já keččâl fattiid njuámmil kiddâ já tondiet juáigus šadda jotelubbon
5. Juávkku čokkáán oppeet riggei -> Njuámmilnukke sajan puátá riävskánukke, mon paaldan ritmâmaneh piäijojeh (“láállá” taid) -> *riävskájuáigus*, moos čuojâttuvvoo taavtâ sämirumbuin (párnááh pyehtih čuojâldittiid nuuvt ete tuáškuh vuáruvuvvâi juolgijd já kiedâid oohân) -> juávkku čuážžul, mon maŋa párnááh uázžuh lede riävskáčiivgah já ripálettid kiedâidis tegu uccâ suájáid sehe jootteed ovdâskulij “kirdemáin”.
6. Juávkku čokkáán riggei -> riävskánukke sajan sierâkuobžâ -> párnááh láá kuobžah, moh uáđđih piäjustis -> *kuobžâjuáigus* -> ko juáigus álgá te párnááh moráneh já važottálleh, talle sij čuážžuleh já lävhiškyetteh riggeest kietâluvuvvâi -> loopâst lävkkejehe riggee kuávdážžân já maasâđ
7. Juávkku čokkáán oppeet riggei -> ohtâ pärni uázžu lede káránâs já sun uázžu folionjune já čapis liijne, mii tuáimá suáján -> *káránâsjuoigus* moos čuojâttuvvoo taavtâ sämirumbuin (párnááh pyehtih miäđuštii kiedâigijn já tuáškuđ).
8. Juáigusij kerdim: juávkku čuážžul -> stivrejeijee sielgi tyehin láá puoh sierâelleeh moin sun váldá ain ohtâ häävild uáinusân já párnááh kalgeh mušteđ ton ellee juáigus já juoigâđ tom (taam tábáhtâsâst riävská, njuámmil, káránâs já kuobžâ)
9. Juávkku čokkáán já álgá puđâldem -> juávkku puđâld njuámmil vielgis plastiktejpastemist, moos sárgujuvvojehe čapis tussijn čalmeh, njune já njälmi. Peeljih ráhtojeh pápárist -> puđâldem maŋa juávkku lávlu oovtâst *vittâ uccâ njuámmiláá* (puáhtá algáttiid ton lohomerist ko párnááh láá ohtsiš om. käävci uccâ njuámmiláá) -> ohtâ njuámmil häävild čiáhádât pärni sielgi tuáhá tassaaš ko kiästen ij lah innig njuámmil kiedâst
10. Loppâlaavlâ riggeest: “Moonnâđ tiervân uáinálep, pääccid itervân uáinálep”